

Persatuan Pandu Puteri Malaysia

Dasar Pertubuhan dan Undang-Undang Bahagian Pandu Puteri Remaja

PERSATUAN PANDU PUTERI MALAYSIA
DASAR PERTUBUHAN DAN UNDANG-UNDANG
BAHAGIAN PANDU PUTERI REMAJA

'SELALU SEDIA'

1. PANDU PUTERI REMAJA
2. PASUKAN PANDU PUTERI REMAJA
3. ORGANISASI PASUKAN PANDU PUTERI REMAJA
4. MESYUARAT JAWATAN KUASA PASUKAN
5. KETUA PASUKAN PANDU PUTERI REMAJA
6. KETUA KUMPULAN
7. PENOLONG KETUA KUMPULAN
8. PAKAIAN SERAGAM PANDU PUTERI REMAJA
9. PELANTIKAN AHLI BAHARU
10. PERSETIAAN, UNDANG-UNDANG, COGAN KATA, ISYARAT, BERJABAT TANGAN, PANJI-PANJI DAN JASA BAIK
11. TALI PEKELILINGAN

PERSATUAN PANDU PUTERI MALAYSIA
DASAR PERTUBUHAN DAN UNDANG-UNDANG
BAHAGIAN PANDU PUTERI REMAJA

'SELALU SEDIA'

1. PANDU PUTERI REMAJA

Dasar Program Bahagian Pandu Puteri Remaja membolehkan ahli menghayati dan menguasai ilmu Pandu Puteri serta menyemai minat dalam pelbagai bidang. Ahli Pandu Puteri Remaja terdiri daripada remaja yang berumur 13 hingga 15 tahun. (Tingkatan 1 hingga Tingkatan 3).

2. PASUKAN PANDU PUTERI REMAJA

- 2.1 Jumlah minimum ahli ialah 16 orang dan jumlah maksimum ialah 60 orang.
- 2.2 Setiap Pasukan dipimpin oleh seorang Pemimpin dikenali sebagai Kapten dan dibantu oleh sekurang-kurangnya seorang pemimpin dikenali sebagai Leftenan.
- 2.3 Setiap Pasukan hendaklah disahkan oleh Pesuruhjaya Daerah serta didaftarkan secepat mungkin. Borang Pendaftaran hendaklah dilengkapi dan dihantar melalui Pesuruhjaya Daerah dan Ketua Pesuruhjaya Cawangan kepada Ibu Pejabat Kebangsaan beserta yuran pendaftaran.
- 2.4 Yuran pendaftaran hanya dibayar sekali. Sijil Pendaftaran ialah hak milik Pasukan di sekolah berkenaan. Jika sijil hilang, bayaran akan dikenakan untuk mendapatkan sijil ganti.
- 2.5 Setiap Pasukan Pandu Puteri Remaja dikehendaki memperbaharui pendaftaran dan mengemaskini bilangan ahli dengan Ibu Pejabat Persatuan Pandu Puteri Malaysia melalui Pesuruhjaya Daerah dan Ketua Pesuruhjaya Cawangan. Pembaharuan pendaftaran beserta yuran ahli dihantar ke Ibu Pejabat Kebangsaan tidak lewat daripada 30 April setiap tahun.
- 2.6 Pasukan Pandu Puteri Remaja didaftarkan mengikut turutan nombor pendaftaran, nama daerah dan nama sekolah.
Contoh: Pasukan Pandu Puteri Remaja Kedua, Daerah Petaling, SMK Sri Aman, Petaling Jaya, Selangor.
- 2.7 Perjumpaan Pasukan diadakan sekurang-kurangnya sekali seminggu.
- 2.8 Jawatankuasa Pasukan Pandu Puteri Remaja terdiri daripada :
 - 2.8.1 Ketua Pasukan
 - 2.8.2 Penolong Ketua Pasukan
 - 2.8.3 Setiausaha Pasukan
 - 2.8.4 Penolong Setiausaha Pasukan
 - 2.8.5 Bendahari Pasukan

2.8.6 Penolong Bendahari Pasukan

2.8.7 Ketua Kumpulan

2.8.8 Penolong Ketua Kumpulan

2.9 Kapten merangkap sebagai pengerusi dan leftenan sebagai penolong pengerusi dalam mesyuarat jawatankuasa pasukan pandu puteri remaja

2.10 Pasukan memilih secara undi sulit seorang ketua pasukan, setiausaha dan bendahari daripada kalangan mereka.

Ketua Kumpulan dipilih oleh ahli kumpulan sendiri, manakala Penolong Ketua Kumpulan dilantik oleh Ketua Kumpulannya.

3. ORGANISASI PASUKAN PANDU PUTERI REMAJA

3.1 Pada perjumpaan pertama, kapten boleh membahagikan ahli mengikut kumpulan. Setiap kumpulan dianggotai oleh tidak lebih daripada **sepuluh(10) orang** ahli termasuk seorang Ketua Kumpulan dan seorang Penolong Ketua Kumpulan.

3.2 Setiap Kumpulan dikenali dengan nama bunga yang ditetapkan oleh Persatuan Pandu Puteri Malaysia seperti yang berikut:

- Bunga Kertas
- Bunga Lili
- Bunga Matahari
- Bunga Mawar
- Bunga Orkid
- Bunga Raya

Bilangan kumpulan dalam pasukan ditentukan oleh kapten mengikut bilangan ahli.

3.3 Setiap Kumpulan boleh menyediakan bendera kecil (*pennant*) kumpulannya dan semasa sesi sudut kumpulan & perkemahan pasukan.

4. MESYUARAT JAWATANKUASA PASUKAN (COURT OF HONOUR)

4.1. Mesyuarat Jawatankuasa Pasukan mesti diadakan sekurang-kurangnya empat (4) kali setahun .

4.2 Agenda Mesyuarat Jawatankuasa Pasukan adalah seperti yang berikut:

- Ucapan aluan Pengerusi;
- Kehadiran;
- Meluluskan Minit Mesyuarat yang lalu;
- Perkara berbangkit ;
- Laporan Aktiviti Pasukan;
- Laporan Kewangan Pasukan;
- Laporan Kumpulan;

- Perancangan aktiviti seperti perkhemahan, pertandingan, ujian, istiadat, dan hal-hal lain yang berkaitan dengan Pasukan;
- Tarikh mesyuarat akan datang.

4.3. Mesyuarat Jawatankuasa Pasukan dipengerusikan oleh Kapten dengan kehadiran wajib :

- Leftenan
- Ketua Pasukan
- Setiausaha / penolong
- Bendahari / penolong
- Semua Ketua Kumpulan

4.4. Minit mesyuarat dicatat oleh Setiausaha dan dilaporkan semasa Mesyuarat Jawatankuasa Pasukan. Akaun Pasukan mesti disimpan dengan baik oleh Bendahari dan diaudit setiap tahun sebelum 31 Disember.

4.5. Jawatankuasa ini akan bertanggungjawab menguruskan hal ehwal pasukan dan perjalanan aktiviti pasukannya.

5. KETUA PASUKAN PANDU PUTERI REMAJA

5.1 Ketua Pasukan dipilih oleh ahli Jawatankuasa Pasukan untuk menjadi pembantu Pemimpin

5.2 Menjadi salur perhubungan antara Pemimpin dengan Ketua Kumpulan serta ahlinya;

6. KETUA KUMPULAN PASUKAN PANDU PUTERI REMAJA

6.1 Ketua Kumpulan dipilih oleh ahli Kumpulannya. Setelah dipilih, dia wajib hadir Kursus Ketua Kumpulan dan **dibenarkan memakai lanyard**

6.2 Ketua Kumpulan menerima arahan daripada Pemimpin melalui Ketua Pasukan untuk disalurkan kepada ahli Kumpulannya

6.3 Ketua Kumpulan mesti lulus ujian Pra Persetiaan dan telah menjadi ahli Pasukan Pandu Puteri Remaja sekurang-kurangnya tiga bulan

6.4 Ketua Kumpulan bertanggungjawab tentang kebajikan dan kemajuan ahlinya

6.5 Ketua Kumpulan wajib hadir dan bersuara di Mesyuarat Jawatankuasa Pasukan mewakili Kumpulannya

7. PENOLONG KETUA KUMPULAN PASUKAN PANDU PUTERI REMAJA

7.1 Penolong Ketua Kumpulan dipilih oleh kumpulannya sendiri untuk membantunya dalam menjaga kebajikan dan kemajuan ahlinya.

7.2 Penolong Ketua Kumpulan akan mewakili Ketua Kumpulannya di Mesyuarat Jawatankuasa Pasukan jika Ketua Kumpulannya tidak dapat hadir.

8. PAKAIAN SERAGAM PANDU PUTERI REMAJA

Pakaian seragam Pandu Puteri Remaja ditetapkan oleh Majlis Kebangsaan Persatuan Pandu Puteri Malaysia. Merujuk *Girl Guides Act 1953, Revised 1991*, pakaian seragam dan semua peralatan hanya boleh diperoleh daripada Pusat Peralatan Persatuan Pandu Puteri Malaysia.

- 8.1 Ahli Baharu dibenarkan memakai pakaian seragam dengan skaf kuning tanpa Lencana Pelantikan.
- 8.2 Pakaian seragam lengkap dipakai oleh Ahli baharu selepas dilantik
- 8.2 Ketua Pasukan memakai tiga jalur putih di kocek sebelah kiri blaus pakaian seragamnya dan *lanyard* serta *wisel* yang dimasukkan ke dalam kocek sebelah kanan.
- 8.3 Ketua Kumpulan memakai dua calit pita putih di kocek sebelah kiri blausnya (di kanan dan kiri kocek tersebut) dan *lanyard* serta *wisel*. Penolong Ketua Kumpulan memakai satu calit putih di kocek sebelah kiri (di tengah kocek tersebut) dan juga *lanyard* serta *wisel*. *Wisel* tersebut dimasukkan ke dalam kocek sebelah kanan.
- 8.4 Ahli Kumpulan memakai lambang kumpulannya di sebelah kiri atas kocek blaus pakaian seragamnya.
- 8.6 Ahli yang telah dilantik, wajib memakai pakaian seragam lengkap semasa:
 - 8.6.1 Perjumpaan Pasukan
 - 8.6.2 Majlis Istiadat Pandu Puteri
 - 8.6.3 Majlis rasmi Persatuan Pandu Puteri peringkat Daerah, Negeri, atau Kebangsaan
 - 8.6.4 Majlis rasmi anjuran pihak lain
- 8.7 Ahli wajib mendapat kebenaran pemimpin untuk memakai pakaian seragam lengkap apabila menghadiri acara selain daripada yang dinyatakan dalam para 8.6.4
- 8.8 Bekas Pandu Puteri Tunas yang telah menerima lencana sayap memakai lencana tersebut di pakaian seragam atas Lambang Kumpulan.

9. PELANTIKAN AHLI BAHARU

- 9.1 Seorang Ahli Baharu lulus Pra Persetiaan sebelum dilantik.
- 9.2 Istiadat Pelantikan dirancang oleh Kapten untuk semua Ahli Baru sebaik sahaja mereka lulus Ujian Pra Persetiaan. Istiadat Pelantikan boleh diadakan serentak atau secara berperingkat-peringkat sekiranya Ahli Baharu ramai.

- 9.3. Pelantikan hanya boleh dijalankan oleh Pemimpin Berwaran yang dijemput untuk melantik Ahli Baharu. (Sila rujuk risalah pelantikan Pandu Puteri Remaja)

Catatan : Elakkan melantik terlalu ramai Ahli Baru dalam sesuatu masa.

- 9.4 Istiadat Pelantikan Pandu Puteri Remaja

Istiadat pelantikan dijalankan dalam formasi ladam kuda. (Sila rujuk risalah istiadat Pandu Puteri Remaja)

10. PERSETIAAN, UNDANG-UNDANG, COGAN KATA, ISYARAT, HORMAT, BERJABAT TANGAN, LAMBANG, PANJI-PANJI DAN KHIDMAT

10.1. Persetiaan Pandu Puteri

Bahawa dengan sesungguhnya saya berjanji dan bersetia dengan sedaya upaya, menunaikan kewajipan saya kepada

Tuhan, Raja dan Negara saya Malaysia,
Menolong orang setiap masa, dan,
Mematuhi Undang-Undang Pandu Puteri

10.2. Undang-Undang Pandu Puteri

1. Seorang Pandu Puteri boleh dipercayai
2. Seorang Pandu Puteri sentiasa taat dan setia
3. Seorang Pandu Puteri suka menolong orang lain
4. Seorang Pandu Puteri bersahabat dengan semua orang dan bersaudara dengan Pandu Puteri yang lain
5. Seorang Pandu Puteri sentiasa bersopan santun
6. Seorang Pandu Puteri melindungi haiwan dan sentiasa memelihara alam sekitar
7. Seorang Pandu Puteri sentiasa menurut perintah
8. Seorang Pandu Puteri bersemangat dan bergembira walaupun di dalam kesulitan
9. Seorang Pandu Puteri sentiasa berjimat cermat
10. Seorang Pandu Puteri suci dalam fikiran, perkataan dan perbuatan

10.3. Cogan Kata : “SELALU SEDIA “

10.4 Isyarat

10.4.1 Isyarat Pandu Puteri

Tiga jari kanan ditegakkan, ibu jari diletakkan menindih jari kelingking yang dibengkokkan. Tangan diangkat ke paras bahu. Tiga jari melambangkan Persetiaan Pandu Puteri

10.4.2 Isyarat Wisel

(I)	Satu tiupan pendek	SEDIA
(ii)	Satu tiupan panjang	DIAM atau MEMBATU
(iii)	Banyak tiupan pendek	SEMUA DATANG CEPAT
(iv)	Tiupan pendek-panjang- pendek-panjang	BERSEDIA atau AMARAN, BAHAYA
(v)	Tiupan pendek-pendek- pendek- panjang	KETUA KUMPULAN PERGI DARI SINI
(vii)	Enam tiupan pendek, satu tiupan panjang, enam tiupan pendek	PANGGILANKE DAPUR JURUMASAK

10.4.3 Isyarat Tangan (Rujuk lampiran)

10.5 Hormat

Pandu Puteri Remaja memberi hormat degan menunjukkan isyarat Pandu Puteri pada paras bahu dalam keadaan sedia.

10.6 Berjabat Tangan

Pandu Puteri Remaja berjabat tangan menggunakan tangan kiri dengan ahli Pandu Puteri yang lain. Pandu Puteri menggunakan kedua-dua belah tangan apabila berjabat tangan dengan orang kenamaan dan orang yang bukan ahli

10.7 Lambang

- 10.7.1 Lencana Pandu Puteri
- 10.7.2 Lencana Dunia

10.8 Panji-Panji

- 10.8.1 Bendera Kecil Pasukan (*Pennant*)
- 10.8.2 Bendera Persatuan Pandu Puteri Malaysia
- 10.8.3 Bendera Dunia
- 10.8.4 Bendera Negeri sendiri dan negeri-negeri lain di Malaysia
- 10.8.5 Bendera Malaysia – Jalur Gemilang

10.9 Khidmat

Pandu Puteri Remaja membuat khidmat sekurang-kurangnya sekali sehari.

11 TALI PEKELILINGAN

11.1 Tali Pekelilingan boleh dipakai sebagai sebahagian daripada pakaian seragam Pandu Puteri Remaja apabila semua syarat telah dipenuhi.

11.2 Tali Pekelilingan dipakai di lengan kiri dan hujung tali dimasukkan ke dalam kocek kiri.

11.3 Tali Pekelilingan boleh terus dipakai apabila Pandu Puteri Remaja menjadi Pandu Puteri Renjer.

12. ANUGERAH PANDU PUTERI REMAJA

Anugerah akan dikurniakan kepada seorang ahli yang telah:

- memperoleh Tali Pekelilingan dan
- memperoleh Bintang Puteri 1

Catatan: Pandu Puteri Remaja yang mengambil Ujian Kelas Dua, boleh mula untuk mendapatkan Lencana Kecekapan